



勿軒先生文集目次

卷之八詩七言

上張廉訪三首

平江舟中不寐

江邊客舍

客舍雨

乙酉端午聯句

遊南園次傍花隨柳句

讀皇王大紀次前韻

鰲峰後人

編

詠盆梅 和無咎

送洛陽靳都事

別福清諸友

聞讀書有感

勉无咎

又和勉無咎

經理武夷書院

經理建陽縣學

越州道中

客裡書事

奉懷明仲舊鄉舍 鄰

蕪湖過繁昌旅舍蕭狀偶書

乙巳元日鰲峰書院會拜五十五人

入武夷山二首

索茶

上劉治中

擣衣曲

贈朱仁甫

春光歎

觀洛行

贈周善長省親

湧翠亭梅花

贈醫士詹翠峰

贈外科醫者

與徐同知

別永福諸友

卷之九續集

蔡氏春秋後序

易卦說

帝堯萬世之功論

九卷刻本無

瑞鶴仙 壽婦人

滿庭芳 壽婦人

沁園春 自壽

送張監察出關 婆

詞

詩

贈外科醫者

與徐同知

別永福諸友

卷之九續集

蔡氏春秋後序

易卦說

帝堯萬世之功論

虞君思輔少康復國論

孔甲豢龍論

商有三仁而義士論

湯執中立賢無方論

商鞅徙木立信論

漢主不拜畱夫論

附錄 卷之十附集傳序

勿軒先生傳

題勿軒先生行狀

送勿軒先生歸武夷序

送退齋東歸
與退齋論學

詩

贈退齋先生 三首

送退齋歸武夷 十首

詩寄進士熊退齋 二首

登雲谷呈熊退齋

贈退齋同年貢舉

題熊退齋洪源書院

鰲峰書院舍菜禮成

鰲峰書院記

勿軒先生文集卷之八

六世孫將仕郎博

羅縣

主簿

熊斌

綉梓

鰲峰

後

人

編

詩七言

上張廉訪三首

荒山十室九無人行道三年兩調兵聞得老貪今授
首老夫買犢要春耕
書生久歎三綱絕天道那無今髮存東海不須更憂
早邇來一婦已無冤

道傍竹馬綵旌旗頌德歌辭紀政碑使者却原問民
瘼也應來到老夫詩

詩七言

平江舟中不寐

遠水蕭蕭荻葦風月明雲外叫孤鴻舟_丹楓擁被疎蓬
底夢斷山深野寺鐘

江邊客舍

輕寒無賴入征裘野水閑雲總是愁極目遠山橫藹
外數聲鳴櫓過蘋洲

客舍雨

青烟看雨傍樓橫展轉虛空夢不成客裡清愁無可
奈卧聽簷溜瀉秋聲

乙酉端午聯句

離騷讀罷意沉沉痛飲狂歌作楚吟無咎魚腹有靈

應瞑目後來猶自有孫心勿軒

遊南園次傍花隨柳句

憂世心哀且樂天不妨飛詠此靈川_雲天高地下有千
載物換人非無百年

讀皇王大紀次前韻

柳綠花紅別一天新來人物舊山川若為喚起堯夫
夢再整三千六百年

詠盆梅和無咎

一聲羌笛晚風斜再問花期便覺賒茵幌泥沙可隨

分莫將春意殫殘花

送洛陽靳都事

銅駝巷陌棘風涼尚記東都舊帝鄉
甲馬營空雲氣遠杜鵑聲老洛園荒
天開地闢人才出風起雲飛汗竹香
倘得行窩容我老春風借地種姚黃

別福清諸友

自從堯曆數昌辰已是三千六百事
春渺渺文明知幾聚悠悠蓋壤定何人
斯文一縷千鈞日我輩三綱五典身
日邁月征各珍重幾多踈缺待彌綸

聞讀書有感和无咎

萬疊青山鎖暮陰倚欄凝竚意深深
趨時士女懽秦服學語兒童解楚吟
當日繁華逐流水何年拱把秀穹林
遼東俎豆銅川筮認取斯人萬古心

勉无咎

萬古綱常六尺軀可嗤杜老悔為儒
林間已聽鳩呼嬾竹外行看鳳引雛
倘有牛眠先卜兆豈無盤谷早營菟
世間忙處應多錯儘把韋弦玩座隅

又和

喚作三才祗此軀乾坤一日可無儒
稍餘禮義存餘脈亟把詩書教小雛
黑窸窸時魚是魯聲鳴鳴處虎

為菟祇今時節當如此可笑迂生獨向隅

經理武夷書院

大隱東南第幾峰我思論學武夷翁春秋時義今如
昨文獻風流已不同陽欲復時宜靜俟道當窮處有
時通先生若有觀梅約好把篇詩和渚宮

經理建陽縣學

當年衛道大賢功人事今知有學宮自歎升堂慙董
子豈無笑列議韓公儒風濟濟衣冠舊世事茫茫塵
網中我已結茅溪五曲飛鴻當許遡天風

越州道中

野田秋溜正潺潺新翠喬林繞舍環淡日凝烟橫別
別浦斜風吹雨過前山柴扉初放牛羊出漁艇方携
鱗蛤還自笑平生愛遊覽天教長在水雲間

客裡書事

西風涼信入虛簷締絡微單已戒嚴鄉夢不隨秋夜
永客愁偏向雨聲添清高鳴鴈低雲海漂泊流螢傍
竹簾掩首寒燈樓舍悄行藏自曉不須占

奉懷明仲舊鄉舍

久客為鄰憶杖藜情親端與弟兄齊一生磨蝨團團
走百事枰碁着着低武定波寒看落月石頭秋晚吊

荒蹊茅簾作計能成否破壁何堪州滿畦

蕪湖過繁昌旅舍蕭狀偶書

竹窻漸白春寒衾上已纔過節物深野杏出籬明望
眼^羞萎蒿滿地藹愁心已知賦分多行役烏用詩鳴得
賞音春在江山無限好緩驅羸^羸馬度烟林

乙巳元日鰲峰書院會拜五十五人

曉日瞳瞳一歲初鄉閭盛會說吾廬運當堯曆三千
六數協義圖五十餘脩竹歲寒欣得友野花春色且
携書^大太篇聽取艱貞訓萬古天心定不虛

入武夷山二首

一見識君多道氣再陪杖屨此躋攀高山流水知公
志明月清風共我閑落落半生心未泯寥寥千載事
相關出山一步塵坡^埃滿便好賣糧莫出山

其二

試問山中亦何好見山便自喜居山不堪造物半生
役^枉極使男兒百歲閑天柱沉冥陰雨外慢亭縹緲綵
雲間蒼生辛苦何終極控鶴仙人去不還

索茶

兩帙詩課蚤已了三杯酒債亦可休我去問君去無
去君留任我留不留門前雨泥^深滑滑道人四壁風颭

颺且留看詩可罷酒請燒香鼎調茶甌

上劉沼中

弱水流西河水東瞻鳥爰止誰雌雄天地方閉何時
顛倒洞室成仙宮通絕粒輕舉乘天風養不及真神龍人生剪羽樊
人在高空籠中名尤利怨方相攻忽聞海上蓬萊翁却來幔亭
跨長虹願留徜徉群仙峯座塵寥渺知何窮

擣衣曲

北望悠悠音信少空房念遠心常早流螢煜煜夜稍
清寒鴈噤噤寒已到細絲清水練方新在梳半濕日
中明隔籬翁媪寐不熟月落尚聞砧杵聲將軍錦帳

環歌舞百戰尚遲歸寸土老農扇肩未肉成瘡思婦裁
衣淚如雨

贈朱仁甫

九州四海文公書千秋萬古文公祠文公之祠何所
始攷亭雲谷與武夷建安城中一畝地桓桓寢壙世
守之時人擬作曲阜宅表章何代壞者誰魯餘宮室
已壯麗壙地何必取此為鮒池藏書抱祭器間關之
際亦可悲斯人今代不復見為公故宅三款獻玄孫
適此相邂逅劇談往事無休期別來已是二十載城
府之事了不知但聞祠堂舊基址勢家亭館今巍巍
詩七言

東邊自是子住處一枝不許烏鵲棲成都闕宮思承
相通泉書室記 斯文所係豈止此徑經從此地空
漣洒百年公論會有定文公之後人見知子行定有
我同志為我問訊出此詩

春光歎 和无咎

平生不喜桃李春懶隨年少爭芳新堂前酌我金巨
羅春衫密縫恣其仁出郊相逢好朋伴贈我殺羞薦
歌管等閒對客難為勸強作春妍趨遊行人言洛陽
富春光我來看花如醉狂虫堤欲決值連雨着鞭跨
馬空自忙天津一聲來杜宇東君冉冉歸何處春會

有歸歸太早忍見紅荒在塵土歸來山中自閉門落
花片片餘空山今春只向風雨過傷春懷抱將誰言
武陵風景四時好扁舟徑問桃源叟春來春去搃不
知賞心一付尋芳友

觀洛行

我生海南萬山間出門岡隴相迴環平田更無十里
闊何處知有天地寬男兒墮地六合志抱此一寸常
惓惓蚤年曾作天府客長歌東出穆陵關關頭仰天
生歎息百年事業如彈丸乾坤只限衣帶水何由萬
里窺中原只今文軌一朝混地不改辟時易狀斯須

洛京見嵩華咫尺孔林登泰山聖賢往迹多在此正辟
若木水有本原北方學道古所貴當年楚產皆其偏
從來一炷有旺歇况及人事多移遷程門立雪道南
後幸此一脈猶綿延武夷故亭今洙泗文公之學行
八埏當時亦號小洛陽游湖劉蔡居相聯風流不減
程邵事馬至今故老人能言起來高目視八荒斯文一
縷千鈞懸人心不常溺焚急茫茫大柄伊誰顛但得人讀
周孔書不患古今無道傳圖書龍馬事濶遠滎河温
洛仍當年疇分三三卦八八舉目法象非虛懸大哉
伊亳一德書此極翼翼甸幅員太平六典深識此下

方餘意公倦倦不惟周官列三百更將儀禮陳三千
成周致治絕千古空餘軌則紹殘編尼山已歎鳳不
至祇有夢寐相周旋從茲架漏過千載何時赤子當
息肩漢初自是有餘責仁義經制皆絕綿董公年老
賈生少至今秦法常皆襲沿委敬一言豈通論長雄氣
習爭相挺絕愛東都一代治猶是三代氣象存泱泱
思樂鼓鐘地冠帶幾萬圍橋門尊師重傳古亦少一
變至道夫何難惜哉桓榮無此學西方現出金光仙
馬來牛去事甚淺自此正氣常腥羶禮秣陵青山那得
似獨有此地餘衣冠王通元經莫輕議太和文治誠
詩七言

班班一時禮樂盛興舉千閭萬井皆均田殷周二世
此一治王蘇諸老重討論却恨晉陽好昌運大觀不
正他何能此機一失又幾載高天厚地啣深冤雖狀
正氣當有合古今良會應非慳書生杜門三十載邈
迨三生一日緣願言挾舟拜曲阜更欲促駕窺澗瀍
河南夫子窺道地似聞荒州凝淒煙聖賢事事在耳
目依狀昔日佳山川文公之道會當北古今此理常
往還昭代表章自此始九州四海猶同文大道久分
要統一皇極一建趨蕩平老癯扶杖何日見深衷遇
此觀洛篇堯夫卜宅太平日有道經世常一元揚帆

東南必滄海振辰役西北須崑崙魯侯僖伯我有望殘
山剩水難為妍

贈周善長省親

客路三千親七十行道無情亦沾臆阿娘七十更加
四阿翁七十更加八人生至樂那有是君獨何為此
役役五鼎珍羞不見多一孟菽水堪為悅八方渺渺
夕陽西與君蚤決歸來策高魯規矩父弓冶君家正
印斯文脈我生喜讀平園文到老更看梅谷集此翁
豈弟真可人直把文章事游劇慶兒二首望不淺城
山佳懺真端的相邊佳作漸家數慎真不覺譽兒癖
詩七言

更想高陽壽內辭曾是脩行噉梅室二老隨宜也自
懽終欠斑衣兒在側須知團聚第一樂此外蠅知總
無益名驥墜地千里心丹鳳冲霄九秋翼蕭曹事業
已千千當年豈要從刀筆丈夫未遇固脫畧時人孰
測調元術平原相譜當相傳撫卷臨風三歎息勗哉
勗哉後之人百世詩書尚餘澤

湧翠亭梅花 和无咎

來者為新去者陳陰陽如代各還春花開花謝亦常
理對花不必尤花神平生性嗜不在花兩年頗與梅
相親何人種蹂躪此屋一見使我心清冷老樹槎牙

溪側徑枯枝倒樹池邊亭花開主人不復賞我來却
作花主人此花不必相香色凜凜大節何崢嶸北海
雪深臣皓首霜寒中野見悲吟荷蓀老人留植杖滄
浪孺子來濯纓神人妃子固有態此花不是兒女情
托根山谷居歲晚自分不及芳春辰春前臆後挺高
潔留與桃李爭妍新春寒桃李猶未開莫隨羌管輕
飄零先生自是絕俗士西湖東閣當齊名巡簷索咲
與不淺金樽檀板隨紅塵斯言近戲君勿訝南山松
栢終年青

贈醫士詹翠峰 又學道

我觀卦氣先天圖更叅岐伯荅問書雖狀三墳不可
得此卽造化陰陽樞起狀便可會大道學不至此應
非儒醫亦其中一事耳造妙直與神明俱後人自是
識根淺九流既裂家法殊儒家道家已為二醫術不
視史與巫蒼生百萬命安寄天地生物意亦幸日來
運氣須自別顛倒溫涼與寒熱衆工庸技漫嘗試須
藉良醫為宣節翠峰直是英傑士家世箕裘素儒業
辭章小技我易工要參大道融明徹太上好生無別
事直且向醫方究施設垂簾市肆心自閑左右圖書恣
怡悅便是羲皇以上人豈但當年佗扁訣今茲出手

才小試邦人感恩已凜狀烈長歌為作儒醫行德君之
深望君切古稱良相即良醫大化煩君更調燮

贈外科醫者

男兒踏地志四方出門大路行康莊况為駟使期今
速千里萬里瞬息將云何邂逅遭一跌頗覺平陸成
羊腸古云一蹶得一便又云三折醫之良幸逢瞑眩
得早瘳莫若視地足勿傷生全天地父母恩一舉足

今慎勿忘

詩長短句

與徐同知以下長短句

武夷山中舊學子汗漫偶作觀海遊此觀此遊亦何
詩七言

土

有炎氛瘴雨爛不收蓬萊絕島固難望何處大澤併
高丘獨聞東南倚天聳石壁上有一輪照耀之明月
下有一道演迤之清流不求清此月不求明衆星冥
漢日轂遠指天烟浪渺渺令人愁因思八極間品彙
豈不稠后王生物至今日茫茫大化無停輶群陰剝
盡碩果在新畬再闢陳根留我輩等是豐芑春盛德
何止教世謀男兒生世有不朽百年易邁千載悠造
物生材諒非偶陽春有脚先南州八郡春已滿忍使
四海赤子寒颼颼一時澤物亦易足早須霖雨川須
舟書生却顧動遐想願為來世蒼生憂斯文迺續正

此時安得古鯁千尋修莘郊匹夫樂堯道朝鮮逋播
叙禹疇兩生不來至今尚綿蕝房魏背迺豈但唐人
羞禮顏樂壞二千載欲觀周道當何由我聞伊洛道
南後武夷雲谷今魯鄒孔堂金石未盡泯淹中斷簡
猶堪搜獨抱遺經守迂拙歲月兀兀春復秋蚊蠹負
山力漫苦精衛填海志未休書生迂拙公所知此來
見公亦何求窮通命也志當逐天地傾缺人惆繆願
公借我一片五色石要補元炁混沌無瘡疣千載在
我前萬載在我後山中事業非王侯


別永福諸友

高哉永陽山清哉永陽水不須問芝嶺不須尋桃源
芝嶺近在永陽裡此山朝朝暮暮有爽氣此水不受
汚泥滓黼冕我我盡周獻弦誦洋洋尚周禮負顛方
趾天地間靖獻此心固何爾梅坡先生真絕俗夜月
清標照寒水年移物換耳不聞不撓不汚直如矢留
遠先生心更苦風雪漫漫燕萬里腴田好爵某不顧
攜手河梁得魚泚賜彼諸老皆典型三嘆此邦皆俗
微嗟哉世之人醉中偷生夢中死高岡千仞亦陵遲
狂中一啜滔滔是如此衣冠古人物直入畫圖播青
史更有一事興我聞後生尚及見典型兵戈生長三
十載豪傑豈必文王興邇來童冠入小學能文何啻
百許人雖狀文章亦未授山深最喜習氣淳萬方颯
颯聲一槩此地未着裘馬座甘能受和白受采豈有
質實無其文古云變魯可至道百年正學亦失真尼
山一何高泗水一何深聖門登臨別是一般起處處
山水滿我仁智心悠悠清泉滌我慮飄飄長風吹我
襟認取當年詠歸意與我同賦暮春吟

愛日精廬藏書
月霄先生手校

道光丙戌冬散逸

芸川張蒼鏡珍藏



勿軒先生文集卷之八終

詞

送張望亭出關

秋宵僕游^起來風露濕人衣休未是早行時旋摘青蔬炊飯暖酒就
爐圍爐看山有意且把詩題興闌便歸忽邂逅故人期^道是遊山正
叔消息曾知茶煙午竈聽殺手權歌聲笑語遲雲霽散皓日五
輝

心園春 白壽

自笑生身歷事以來垂六十年今浮沈閭里^{半識}面交游朋友各
已華顛富貴不來少年已去空見悠々歲日遷^詞雖然是只壯心一
點猶自依然新陽又長天邊人指似山間詩酒仙筭曾^詞次崔
嵬不勝百榼筆端枯槁難^詞足千篇隱几杖藜相耕聽誦聊看
法即相後失餘何事但讀書老茗日晏言眠
滿庭芳

斗轉璇霄極飄金井同天秋氣方新幔亭仙子飛佩下瑤京霞
袂霞裳縹緲冰肌莹月作精神雲璈動瓊仙歌舞共慶捧瑤
觥 蟾宮人未走者縱橫禮樂談笑功多從今去者多少富貴光
榮且聽賓雲奏曲千秋歲更引清聲看眉慶朱顏綠鬢相與共
長生 時良人正赴廷對

瑞鶴仙

翠旗迎鳳擘正金母西游瑤臺宮殿蓬萊却歷遍飄然來到笙歌
院朱顏綠鬢須盡道人間罕見更恰占得美景良辰小春大暖開
宴 畫堂深處銀燭高燒珠簾任捲香浮室篆翻舞袖掩歌扇
更看蘭孫桂子成團成簇共捧金荷奇勸從今鶴算龜齡天
長地遠

月霄先生手錄



此卷刻本無

勿軒先生文集

鰲峰後人編

續集

蔡氏春秋後序

春秋者聖人史外傳心之要典萬世人主善惡之龜
鑑也筆削之精微義理之浩瀚使無武夷胡先生諸
儒以發明之則人曾曾莫知所之人欲肆而天理
滅矣安能俾世之復治也耶予嘗讀是書粗知其中
之大意其精微之旨尚少妙悟蓋竭精力者九年集
成春秋五傳刊成一書于世不無小補奈何太母少
續集

帝三宮俱已屈膝已知皇綱弗振無策匡救是乃天地間一罪人也因與胡君庭芳劉君省軒相與講切縷指蓋十有七年矣一日蔡君希聖挈書一帙示予拜而言曰此書乃吾祖復齋公承高大父西山公之囑所作春秋總要也予聞之歛容避席披視誠道德仁義之言經綸康濟之學而其發明天命人心之懿數揚聖經賢傳之旨闡筆削之謹嚴辨褒貶之攸當義利之明常變之論其要悉備于此誠為學者之指南復齋先生之功大矣先生諱沆字復之師事文公朱先生及受家庭父兄之教隱于西山前湖書堂聚

徒談道相樂自號一菴居士復齋先生其學者之所尊云餘詳徐君所作先生之墓銘無容予之重贅至元癸未仲夏端陽日武夷熊禾序

易卦說

竊意易字從日從月中有一為奇陽數也月中有二為耦陰數也合日月為易故觀圖書迭出可見天地自狀之數觀日月相推可見天地自狀之易易之作雖則乎圖書而其為義尤莫著于日月蓋易者陰陽之道卦則陰陽之物爻則陰陽之動也狀有交易變易之義在天地則一動一靜互為其根所謂日月

運行一寒一暑是也分陰分陽兩儀立焉所謂天地設位卑高以陳是也在易書則一陰一陽各有定位所謂剛柔立本八卦相錯是也一剛一柔迭相推盪所謂兩儀生四象四象生八卦是也是故天地之運古今之變人事之吉凶悔吝物類之得失憂虞與夫性命之理幽明之故死生之說鬼神之情狀莫不于是乎盡矣狀攷諸大傳則知聖人之作易仰觀俯察遠求近取蓋有以見天地之間莫非太極陰陽之妙非獨以圖書而作也莊周謂易以道陰陽正此謂矣

帝堯萬世之功論

洪荒之世氣浮而為天者不過茫茫一太虛耳固未有度数之分也黃帝顓頊雖云造曆未詳也至帝始命羲和分掌天地四時于是推步之法愈密日月星辰之麗于天者始則而象之歲分為四時又分為十二月又分為三百六十日因其氣盈朔虛又為置閏以應周天之度于是天道可得而成矣質凝為地者亦不過一塊土耳固未有疆理之別也黃帝雖曰分州畫野亦未詳也至帝始咨四岳舉其能治水者以拯斯民墊溺一朝之命鯨不能治而禹繼之其施功之最難者莫如冀壺口龍門等處此蓋混沌初分水

未有洩積之歲久衝決奔放愈甚則懷襄之害愈烈
禹因其勢疏鑿而順導之若其次第則先青兗徐揚
之下流而荆豫梁雍以次底績弼成五服自甸侯至
綏而封建之制以立咸則三壤自畎澮至川而井田
之法以成于是地道可得而平矣自義皇黃帝之後
又適當一元文明之會風氣駁開剗制之法維其時
也五教敦五禮庸五服章五行用法度禮樂彰彰狀
著明如日月行天亘古常見此又立人之道以參贊
天地化育之所不及者蓋萬世之功也

虞君思輔少康復國論

羿浞之禍已無夏矣義皇堯舜以來相傳之正統其
絕者蓋四十年區區庖正一城之地一旅之衆而卒
能復禹舊跡踐天子位者要之亦為之君者有揆亂
之志為之臣者有盡忠之節人事既盡能以天道為
定命故能臻茲大業推原其故亦繇虞君思之為也
虞舜之後也一代之興則先代子孫賓于王家與國
同其休戚古人之慮蓋深遠矣後世得人之國則絕
人之祀不知天道昭明禍亦反踵虞夏商周之子若
孫傳祚二千年其數斷可觀矣

孔甲豢龍論

續集

四靈之物莫靈于龍能幽能明能小能大其變化飛騰莫可量測故其升降之際雷電風雨助其神威雲氣晦冥山嶽失形江河泛溢波濤震蕩孰能近之哉若可擾之則與牛馬犬羊無異矣矧孔甲淫亂失道義德已衰豈有靈物出于其時或者有異物肖龍狀者故得豢之若以為真龍吾則不信矣

商有三仁兩義士論

天下之治亂繫風俗風俗之美惡繫人心三代固皆有道之長也而商之一代風俗為最美每讀商書至終篇紂之亡三仁寧死寧遜寧佯狂為奴所以自靖

自獻者不敢負先王之心夷齊扣馬一諫凜凜乎萬世君臣之大義雖聖人復起不可易也或言微子先抱祭器歸周者非也書所謂我不顧行遜我罔為臣僕者去而避紂曷嘗有去商即周之事哉歸周以全宗祀自事商亡以後事比干之死固已安之箕子之佯狂後來武王下車訪道授聖大法而終不為之臣朝鮮長往用廣宗祀此其志何如哉不但是也當時為商之臣若民者大率有不肯臣周之心大誥洛誥多方多士諸篇班班可觀雖周人目之為頑在商則不失為義矣陳同父所謂歷三代而後世變風移蓋

當康王之世歸周且四十年壯者已老老者已死其
逋播遺黎真是至死不貳亦可見商一代之人心風
俗矣夏未之前聞也周平王以後奄奄如一疋羸病
廢之人略無能出一匕強劑以起其生則所謂養成
一代之人心風俗有王者作誠不可已也

湯執中立賢無方論

嘗讀孟子至三王四事章所謂湯執中立賢無方者
亦何取其義至于窮夜旦之所思而汲汲若是乎蓋
嘗攷之虞夏周人不過一二世族而已傳稱八元八
愷則高辛高陽之才子史記禹稷契世系同所自出

孔安國傳書以益為皐陶子皐陶則高陽才子庭堅
也周以親親為重武王兄弟九人周公之魯康叔之
衛若管若蔡若霍若曹若邠若邾皆列為顯諸侯召
畢亦以周同姓為上公一時大臣之子若孫大抵各
以其世雖凡民之後秀掄于王朝不過州閭族黨之
官出長入治之職如三公呂望六卿蘇公諸侯三恪
之外異姓亦鮮矣逮至春秋孔門高弟仕者不過止
于家臣一有所進則謂之遠間親新聞舊矣周公諒
亦知其未廣也故日夜之所思惟以湯之立賢無方
為中道今觀商書一則曰敷求哲人二則旁招俊乂

伊尹萊朱巫咸傳說諸大臣非以其親以其賢也主于賢則有德是視固不間親主于親則未必皆賢且妨天下之賢路矣信矣立賢無方為不易之中道而周公往往言之亦未盡行其志也因表而出之以為世法云

商鞅徙木立信論

或問商鞅徙木之信果可以為信乎曰此小人狙詐之術非信也狀則溫公稱其信以蓄民荆公贊其令之必行非與曰溫公不識王伯故有此等議論若荆公^者以其術禍天下無怪乎喜而贊之也何以言之

曰昔者聖人之治世也作之君作之師民飢也而稼穡民寒也而教之桑麻穴居野處也而教之宮室汙樽杯飲也而教之器用父子夫婦也而教之有親有別君臣朋友也而教之有義有信疾病也而教之醫藥死亡也而教之葬埋為善也而為之賞以勸之為惡也而為之刑以懲之是皆因其自狀之理當行之路而立教養之法爾一政之出堅如金石于以定民之心志一令之施確如四時于一民之耳目聖人之所以信于民者蓋如此豈有一毫私意于其間哉商鞅以刻薄狙詐之資欲售其富強吞併之術恐民

驚駭而不之信非議而不之從于是特假徒木之小事而立五十金之重賞行不測之賞誘之于先用不測之刑驅之于後移其耳目奪其心志于是驅之力本則務農矣驅之戰鬪則死敵矣驅之弑父則子不敢違矣驅之弑君則臣不敢違矣行之十年路不拾遺厥後扶蘇聞詔賜死不敢自白趙高指鹿為馬廷無間言皆徒木之所致也嗚呼小人之術正如毒藥攻病非無一時捷效而其潰腸刻骨之禍蓋有不旋踵者鞅不足道也而溫公議論如此吾以是知功利之移人有不可言者

漢主不拜畱夫論

人臣之事君不知而妄對是欺君也知之而不言亦欺君也既知之而應答無遺則無愧于其職矣若上林尉居其位而不知其任至十餘問而不能對是謂不任職非納訥于言也而畱夫對甚悉正所謂諳曉故事敷奏詳明有國之美才安可目為利口而舍之哉釋之不能啟帝黜上林而反不拜畱夫之官則是賞罰大失其柄矣嗚呼巖穴之士懷才抱德者多矣往往以不知見棄此畱夫之不拜賈誼之見疎雖時相之過抑亦二人之不幸也惜哉

勿軒先生文集續終

附卷

勿軒先生傳

先生姓熊氏諱鉢位辛一字去非勿軒其號也又曰退齋兩錢公十六世孫世居鰲峰之陽先生生而聰敏類悟垂髫即知向學及總角則能屬文而悟道德仁義之說志宗濂洛之學乃訪文公之門人輔氏而從遊焉遂深究君臣父子夫婦朋友之道而得聖賢傳授之心法既而博通五經遍覽諸子百家之語下迨醫卜陰陽之秘故下筆成文追踵韓柳宋度宗咸淳十年甲戌登第授寧武州司戶叅軍值宋亡故不

附卷

一

及大用而先生之才不闡道不行于世惜哉入元乃
隱居不穀以道自任以義自處疊山謝氏忠義人也
嘗自誓曰不見南朝不着鞋聞先生之名義不辭遠
涉自江右而至及會共訴宋之根亡恨因相與抱持而笑
既而曰今天下皆賊也所不謂賊者惟足下與我耳
道義相合不能卒別遂相與講論夫子之道而與舊
所聞者益以明舊所未達者通以徹以文公四書集
註尚有遺意乃著四書標題集註之遺益以備而道
德之用益以詳著矣江西庭芳胡氏明易君子也聞
先生博學嘗挾其道以訪焉及退自以為不及而先

生不以為能故頻與講論無倦怠之色而庭芳之學
益以明皆先生啟發之也乃自採易之精奧著易講
義讀書而著書說學禮而定儀禮闢異端而酷排緇
黃之誕鬼神之妄以世俗葬祭為所蠱者皆毫分縷
析而正以聖人之道焉勒成一帙以解後學之惑斯
其所著而行于世者也其他所述猶繁不及備舉也
既而曰吾之所學聖賢之學也當以聖賢之心為心
故伊尹曰吾天民之先覺者也吾當以斯道覺斯民
也乃不吝所居擴而充之易為家塾中奉先聖左為
文公師友之祠右為熊氏忠孝之祠以其門對雲谷

而又以寓文公沒而道之傳在於是遂扁其家塾為雲谷書院于是四方學者知先生之道欲傳于世而生徒雲集遠自漳泉而至者有之各欲捐金置田以為師生之俸惟先生沒_沒設而已其寓于崇邑而建長林書院于翁坊之洪原適武夷而歎文公之舊址頽圯遂構而新之愛其幽僻遂館焉狀從遊者雖多卒未有得其傳者嗚呼其天之將喪斯文也歟先生學既得其真而道不雜書既覽之博而德宏雅當時遠近以書厨目之嘗重修攷亭書院而為之記有周東遷而夫子出宋南渡而文公_生之語翰林學士艸廬吳公

天下名士也有求攷亭書院記者援筆欲為之因聞先生所作則以手加額曰江南有人矣予奚容喙以其求之固乃曰姑贅此以塞責耳先生娶虞氏繼曹氏三子曰龍曰崇曰嵩父諱學顯先生之_生于宋理宗淳祐七年丁未即元定宗之二年也卒于元仁宗皇慶元年十月二十九日葬于鰲峰之橫歷壽六十從祀于文公之祀而位尊先賢之列幸也_非宜也前翰林僕處約述

題勿軒先生行狀

勿軒熊先生名鈇字去非又號退齋建陽崇恭里人

宋咸淳甲戌以禾名登進士第任汀州司戶值元不仕明理盡性得聖賢傳授心法築室雲門從學者累百遠近翕狀尊之知州母梅菴同知徐石壁推官張紹先諸名公貴人咸尊以師禮望朔謁精舍諸生卒從明奧旨大義教以格致誠正修齊治平之學亶亶終夕不倦月行賞試汲引後覺迨歸杜門凡吟咏不事風月無非以禮義誘人嘗與一桂胡庭芳論學謂秦漢以下天下所以無善治者儒者無正學也儒者所以無正學者六經無完書也六經無完書則學不可得而講矣儒者無正學則道不可得而明矣千五

百年牽補架漏天地生民何望焉攷亭夫子集正學大成平生精力在易四書詩書儀禮僅完書開端而未及竟雖付之門人九峯蔡氏猶未大暢厥旨三禮惟有通解缺而未補者尚多至門人勉齋黃氏信齋楊氏粗完喪祭二書而授受損益精意竟無能續之者若春秋則不過發其大義而已豈無所俟于來學乎當吾世不完則亦媿負師訓矣顧惟兵難之餘學徒解散文集燬亡徒抱苦心力實不逮蚤歲成春秋通解一書又厄于火兼以齒髮向衰抗我滋甚靡君之來此學孤矣余與君相與講切縷指蓋十有七年

矣易詩書僅爾就緒春秋更加重纂則皇帝王伯之道亦粗備矣惟三禮乃文公與門人三世未了之書所關甚重且周官六典元不亡當復其舊而儀禮十七篇且欲各附禮記傳義以為之兆當猶有俟也庭芳當分任此責以畢吾志其後竟脩儀禮未及成書而卒又嘗作文公攷亭書院記有周東遷而夫子出宋南渡而文公生之句今有大學講義標題四書易講義行于世建寧府儒學訓導天台李讓撰

送勿軒先生歸武夷序

史約房

武夷高哉幾千仞今疇昔號為靈鄉福地學成仙者居

之自文公挾奇剔秘築室山中聚書取友為往聖繼絕學號武夷精舍于是茲山茲川為闕里為洙泗邇來百有餘年士生其間耳受目攝秀異而膚敏莫不深探道閤力守師說閤閤狀與鄒魯相為雄長非所謂天不愛道地不愛寶而人鍾最靈者耶若吾友退齋熊君則其出類離倫者也君家建陽近武夷自其幼時往來精舍已慨狀有求道之志方其年妙氣完縱健鞬鼓行場屋蘄蘄見頭角諸老先生皆遜之狀猶未免科舉累也年稍壯未奏第太常聲價驟起君一不動心獨曰自是可遂吾讀書立言之事矣居無何適當

世變之會物換星移無所售其初意則退脩初服束書入山築洪源書室與朋友講習舊業其徒數十人糲食澗飲于寂寞之濱日以周公孔子之說相磨礪于文公諸書是信是行以道教人而信從者衆凡一歲終乃歸故山復創鰲峰書院以所以居洪源者居之大肆其力于六經如易詩書春秋皆為之集疏集疏云者每經取一家之說為主而裒衆說以為之疏工夫浩博義例明暢六經之道如指諸掌復為小學四書集疏以羽翼之釋回增美之功極矣又念儀禮一經文公勉齋先後論著號曰全書三代禮樂盡在

是矣兵火之餘遂束高閣君念扶天常奠民志以立太平之基孰外于此復與鋟行以廣其傳于海內役鉅費繁以身任之蓋欲扶持世道緝熙人文以俟後之君子豈有所為而為者哉士散之餘禮壞樂亡靡知所屆茫茫宇宙求一叔孫通且不可得况敢妄議魯兩生哉而吾友奮乎頽筮敗壁之下而起圖之非孟子所謂豪傑之士雖無文王猶興者歟志君之志學君之學吾豈敢謂今無人而或者方以迂孔孟迂之亦可哀矣予蜀人與君昧平生卯辰之間胥會于蒲一見語合遂定交焉展數月相與論說底蘊與鄙

陋所見畧同如鰲峰祠五賢以侑聖師蓋為道統之
的傳設而邵馬不與焉或謂與文公竹林六賢之規
為小異吁是未可以口舌爭也予昔嘗持此說聽者
憮然而君之所見亦如此由是知理之所在如印印
泥近者三山之尊道莆陽之新祠亦莫不狀自有嘿
會潛孚者存非以內交要譽也君自溫陵歷莆福亦
既倦游將歸山中求予一言為別君行矣強飯自愛
為吾道作經久計他日道尊德隆必有蒲輪加璧而
起申公于既老者僕苟未填溝壑尚快見之禮儀三
百威儀三千傳其人狀後行退齋其母遜

送退齋東歸序

陳蒙正

千百載而下尊孔子達乎天子而亦拜之何也拜其
扶持天地植立綱常為千萬世天下所法焉者也孔
子天之孝子也朱子孔子之孝子也孝子者以父母
之心為心也世之學者能以盡己為學而又能推以
及人則可謂孝于朱子者矣癸卯之冬十二月退齋
熊先生至陳蒙正往就學焉先生之言曰斯道也何
道也全體大用之道也管商權譎無體之用也佛老
虛無無用之體也以是益自信忻然有請忘倦蓋恃
侍臯比者凡三日而夜先生所自得者微矣其孝于
附卷

朱子者歟道教不明風俗日下拘于卑陋者不自脫
溺于高遠者不肯回而不知夫古之學者爲已真得
而實行如饑之于穀粟寒之於布帛終身受用之自
有不能盡者其實則人心之所固有而非有待于外
也先生之學之蘊雖不得行于時狀必有傳之于後
其相與守而行之者當未艾也獨惜先生歸亟僕心
有不得盡焉所持者書之可通足跡之可至耳過福
清有陳兄希尹者雖未覲面聞而敬之矣先生其亦
以某之心告之

與退齋論學

胡潛齋

某再拜獻書退齋熊先生席間大荒經言幽思之國
思女不夫思士不妻精神相感而生育始疑其妄今
乃信狀某與先生一在江之左一在建之陽地之相
去千有餘里非特未嘗一日接殷勤之歡蓋未嘗一
覩顏色也而愚騃之心則以為道在天下未嘗一日
無所寄以今天下如魯沂鄒嶧久矣陸沉關洛故墟
文獻論沒于今幾百年矣固無望其有人可以任斯
文之寄獨武夷之秀拔九曲之清深不減前日之舊
其壤地則晦翁先生之闕里去晦翁之世若此其未
遠也故家遺族尚有典型緒論格言家傳人誦其間

豈無秀中之秀靈中之靈得晦翁之學于父兄師友
講明之素者蓋有之矣我未之見也日夕凝思想其
為人標致必甚高學術必甚正誨人必自有矩矱處
已必自有劑量其容儀必如瑞日祥雲其音吐必如
金聲玉振但恨未得入其疆闖其門伏其墀下望其
駟履耳今年正月遣小兒賫稿謁養吾先生養吾
賜之筆帖俾小兒藉之以通于左右一見之頃即荷
先生進之教之館之穀之覆瓿之稿又荷褒之拂之
張之大之得使廣布而久傳之雖古之號為莫逆膠
漆者其相與用情不過如是豈有未識面而用情如

是者乎無乃前日之幽思精想者潛有所感而遇此
也不厭天下安有望外之獲若此其侈者中心之感
何可云喻小兒來歸詳言先生標致不俗學術有源
誨誘之得其法出處之適其宜與其貌之溫而恭也
言之約而中也某私竊自念此正向者想像之中若
有所見者無疑矣豈幽思之極精神所感之驗耶豈
非斯道之所寄耶某年雖衰耄尚未就木尚圖扶杖
進見一瞻道德之光以慰平日思想之渴秋暑尚炎
切祈自愛以壽斯文之脈

詩

附卷

詩
贈退齋先生三首

沈秋圃

浩憶鄉山禮道林極知危顯欲抽簪時行時止皆安
分雲出雲歸豈有心喜得高人叅至理了無塵思溷
清吟子長車轍相期處若淬干將必華陰

其二

經術前曾望奮庸高風今見義熙公棟材未竟無休
運椽筆猶堪補化工吟落星河山岳動氣吞雲夢海
天空洛陽花柳春如醉多少遊人意欲東

其三

趙由燁

披腹琅玕錦繡腸佩絃兩袖帶天香沉吟足見古今

事蕭散不為時世粧建水建山園譜席泉雲泉月綴
詩囊一春寂寞無啼鴉把酒東園百艸芳

送退齋歸武夷

五言

林若存

我未識退齋虛生七十載一日遇諸途未語心先拜
堂堂眉睫間禮樂見三代正塗日以荒良心日以壞
天不產斯人吾道將疇賴

又

書院新鰲峰五賢祠學宮馬邵猶避席將無道不同
專專論的派此理誰當窮獨學無師友前儒議溫公
準繩規矩內安得鞭霆風

附卷

十

又
我七君六旬從今知無期但貪言議合不悟光景非
先生明當別吾將疇決疑欲言尚可限記一十已遺
及其未溘先幸無靳珍題

又
大運何茫茫海桑逝不留武夷有喬木蚪枝尚相樛
自昔擢巍科為今闡大猷萬里憚北上三年喜兩遊
長身古衣冠龐眉瞭雙眸雖與今人居不與今人儔
和風顏子春泰山鄒孟秋一雙憂世淚濺入銀河流
相期入聖域舍子誰當優奈何棄我去榮確歸途脩

我欲斷中流去掉何悠悠我欲息天風別袂何颼颼
明晨歸已遠晚歲吾何求恐無後會期笑作來生謀
又
宋蜀翁

君居建溪陽我住東浙尾邂逅入壺山相從一寒暑
平生談理道涉獵頗自喜考擊到精玄皮膚我骨髓
君學有根源君學有矩規寸步履平實不作虛誑語
禮廢彞倫斲聾瞽二千禩雲谷晚年心誰復為鼓舞
氣運未回天人力不能起終狀經久功或慰奔馳苦
讀書要適用行過言欲恥架空景萬辭先儒已坐此
觀君治教篇農學兩資倚顧擊眾自振配隸各類聚
附卷
士

公孤挹虛位斯事合追古格心第一義師道始夫子
以茲行吾志物物當得取所奈何人理謬庸哉時不與
此意久蕭條此書終奇偉春城半月濕江空晝無市
斗米錢三千不入長官耳君去將安之浪波更風雨
武夷高且深擢歌聲未已他年見鰲峰勢與此山擬
了却未完書相逢定何許

又

鄭深勁

雲孫有熊氏貌古似其心官譜貞元曲儒宗正始音
山程清曉發梅事入冬深紫帽峰頭路幽期尚可尋

又

丘鈞磯

穆穆朱夫子于道集大成嗟予亦私淑奧義終難明
退翁獨何幸而乃同鄉生雖後百餘載玄機若親承
斯文幸未墜載道來桐城平生疑惑處喜得相攷訂評
秋風吹庭樹忽作離別聲吾儕各衰老何事重合併
願言且少住勿棄斯文監聖賢千萬語只在知與行
前脩何可企勗哉共脩程

又

七言二首

林純子

紫陽遺緒孰能尋脩綆憑君為汲深獨學自慚無益
友遠來何幸有知音谿山雖隔千餘里道義相孚一
片心且與綵花送歸去却迎斷在綠楊陰

附卷

士

又

林天麟

天荒地老佳哲終後生軌範將誰宗寸裡利欲交食
 既馬牛姣服餐鮮濃先生東南一鸞鳳源委遠出滄
 洲翁濟川舟楫方入手滄溟忽鼓黃埃風東家
 白頭懶詩書坐策彌天功海濱列郡天南盡風濤旦
 夕蛟鼉龍史遷轍環昔不到山川今乃斯人逢靈源
 苦淡如長白肯同薤菽閣黎鐘野狐涎唾滿腔子西
 江一滴為洗空主家十二妾身一瓣香長為魯南豐
 長烟閣雨天濛濛垂楊未絮青籠葱提壺轉板勸別
 酒春潮入港迎船逢斯人百年能幾見跬步回首江

山南重讀書要領蒙指授賤子敢不銘心胸明朝南北
 嘆離索玩味即與趨承同

又水龍吟

王槐建

武夷一片閒雲被風吹落清原頂溪梅馥馥飛來相
 傍不嫌淒冷瓦釜爭鳴絲桐一曲滿傾城聽奈陽春
 未了驪陰已駕桐陰底夢魂醒何限吟箋賦筆甚
 鄉心分却清興鰲峰勝處遙知風月屬誰管領邂逅
 何時無窮事業有窮光景但相期不負初心此外分
 皆前定

附卷

詩寄進士熊退齋

五言二首

李養吾

三

猶存火後書罕識卷中字無筆補元經有金酌載記
漫漫歲月馳忽忽春秋閱欲辨已忘言涕淚空垂泗

又

殉義若殉財避名如避箭况當喜懼集肯與寵辱戰
百年元亮心一日宣明面朱門轍迹多山路微如綫

登雲谷呈熊退齋

陳大觀

四書日行天萬古仰餘光讀之十五載稍稍知慚惶
不辭千里遠意升文公堂多謝退齋翁為予指迷方
初來心猶疑久之念俱忘齒齒南澗石廬峯正斜陽
雲葉弄清影瑤花吹古香失笑丹崖上振夜岩溜傍

須臾林景開仰見天蒼蒼晦菴數椽屋破碎雲中央
土花照人碧腐瓦如鴛鴦下有神仙宅金碧相焜煌
玉狗守洞口白蟬遶丹房上有赫曦臺冥邈超八荒
君山粒米小滄海寸線長乃知祖朱子胸次不可量
道高古無上聊託千仞岡斯人今已去餘迹欣未亡
悠哉一長嘯宇宙空茫茫

贈退齋同年貢舉

吳語溪

看花携手髮俱青一轉頭來昨夢驚四海同年今有
幾相逢此日得無情著書君已名千載廢學吾方悔
半生離合升沉何足計相期進德是功名

附卷

十四

題熊退齋洪源書院

五言

曹休齋

幽人著山林，翫境絕清構。茲堂何年築，路入雲林秀。
鳴泉抱麓馳，好山四奔湊。我來適迎長，親朋欣邂逅。
駁散雲物明，陽回雨收溜。山空答人語，霜苦噤啼狀猶。
小橋雲碓春，落葉水花鏤。意行得幽討，世垢謝昏贅。
堂東祠往哲，歲事規甃椽。戶屨童冠臻，請讀業深衣。授
道心最培，養餘力乃藝。圃乾淳去百年，高風劃重觀。
吾生尚媿節，早悟輕肥陋。飽仁施令聞，願弗及縹緲。
四瞻謂斯何，章甫越不售。鑄堯固已矣，良背盍銘右。
竊質堯治難，大弔若為毅。切磋嗟收晚節，續續微言扣。

浮世喜好垂簪聚，何時又龜手。函退縮半席，首肯分否。

鰲峰書院舍菜禮成

李德臣

鰲峰山前子，熊子舉目乾坤淚。如雨百年學，絕白日
飛。要作山中古，鄉遂相看雲谷青。不了手決流泉挹，
清泚古心古貌古衣冠。晨夕四書與三禮，偶狀乘桴
海天去。亦欲觀周從魯始歸來，族里喜相迎。急整舊
書尋墜紀，禮聖師在上誠洋洋。衆職遂能各循理，疾雷
驅雨鳴蒼屏。夜半青山塵一洗，禮成少長各相慶。紅
燭燒殘生旦氣，愧予分獻何所堪。持此敬心良未已，
世教不明師道缺。萬里狂瀾誰柱砥，先生憂世心更
附卷

苦神氣半腴貌枯賴文公平生亦多述四海道行今
不死吾愛此鄉人尚淳文獻餘風易為起天遺高標
示準則豈但善良薰晉鄙村南曉發蓑鍾忙村北夜
深弦誦沸公家吏卒亦罕到箇中可見桃源似憶昔
一別廬山青却後佳幽少如此關河落落文在茲景
行高山端可企三間瓦屋便卜鄰飽挹春風論經濟
八荒我闥及時出未必天公了無意載拜魯叟決此
謀狂者聖門應不棄前汀采芳暫分袂豈擬重攀小
山桂初來相見新相知此日還憑此詩寄明蟾照水
衆星下會看一咲如期至

鰲峰書院記

丘錫

吾鄉建熊氏中原文獻之家唐季避地提兵入閩而卜居于

義寧山子孫世業于儒詩書禮樂之澤逮今猶昔宋

初有熊公知至自號鰲峰先生隱德不仕立書院于

鰲峰之下以詩鳴得晚唐體有鰲峰隱人集行于世

紫陽夫子倡明道學熊公節號端操先生者在于門

人之列編脩性理羣書而為學者矜式脩理鰲峰書

院以延師友至宋季勿軒先生大倡斯文顧瞻梓里

重而新之又增先聖燕居堂于前道原堂于後左則

創文公師友之祠右則建熊氏忠孝之祠以其門對

雲谷况接文公道學之傳因改額曰雲谷書院又寓先生
居崇翁坊之洪源立長林書院往來建崇間又于武夷五曲晚對
峰之左築洪源書堂門人受業者四方雲集遠自江
左東吳漳泉而至者朝夕相與講明聖賢正學平生
所著四書六經皆有通解其文詞詩賦尤繁通鑑廣義諸書著作甚富
第恨遭時不遇皆厄于兵燹良可惜哉惟所存者四
書標題周易講義大學廣義三禮攷異諸書而已晚
年脩通解三禮竟未完書而卒嗚呼天之將喪斯文也歟
國朝建立學校士子皆居泮宮而各書院漸至寢廢
而為風雨侵凌鞠為茂草永樂初年因被勢家侵占

改造民房

熊稼熊茶熊松等

書院基址呈於至正統十二年先生之六世孫以其事聞

之石官添蓋上臺憲司副使高公僉事董公按圖攷正乃爵狂勢下租米六石重整書

院方今聖天子以先賢有功德于綱常者免其子孫

差徭恩至大也予幼讀先生書標題四書識司訓孟秉先生知先生甚悉今其孫

乃托為記序其本末予幼聞先生家世但識孟秉先生與同鄉去先生之世若此

未遠近先生之居則更甚也因勉而言此以示縉紳

之學先生之學者前纂脩國史教授邑人雲谷丘錫

書于年山精舍時正統十四年歲次己巳季夏初吉

前纂修也

國史教授雲谷丘錫

書

附卷

十七



白軒先生文集後序

朱子集諸儒之大成當時及門友生若黃氏劉氏輔氏皆親炙其道能先
生晚生子考亭受教輔氏所謂聞朱子之風而興起者其所著述
能補儒先之未發世謂朱子有功于聖人然氏有功于朱子豈虛言
哉使其得及門受業未必不能為黃劉之道孝介觀其所著四書
標題等書流傳于世可見其孝術之正造詣之深視其師輔氏之
不若于藍而寒于水者乎六世孫判簿熊斌哀集殘音贖馥得
詩文八卷將捐俸銀梓以永其傳出以相示求為後序拜觀之餘鑿
鑿皆實理灑灑如貫珠誠足以為後孝之矜式然則先生雖不獲用
于時何幸道文之未泯也文在是則道在是矣熊氏子孫尚之宜而
傳之

成化三年六月之吉


賜進士刑科給事中憲大夫福建漳州府知府羅浮潘本愚序


先祖句軒先生為宋名儒平生著述甚富宋季厄兵火遺稿十七八九先生收輯
于煨燼之餘僅得一二欲類次成帙惜身賁志乃沒今幸族人孟秉掇拾先
祖序記詩賦并先君所藏欲編石未就者釐為八卷置法家塾以示訓
子孫名曰句軒文集大順間斌因進秩便道歸掃松梓遂捐俸同兄
塚弟模命工綉梓以廣其傳且與四方孝者共云
化二年歲在丙戌中秋亡世孫廣東惠州府博羅縣主簿熊斌
拜手敬識

琴堂陽
清暇

雨錢陰
世家

勿軒陰
後人





嘉慶戊寅假黃蕘圃大家藏成化刊本校勘一過補錄卷七缺頁二頁卷末詞四
首熊斌序一篇潘本愚後序一篇上錫李讓勿軒先生贊二首卷首吳高序抄本妄
改許謙茲亦據刊本訂正張金吾校畢識



熊勿軒先生集我家藏本經庚申之變散失無存時
深惜之今秋友人據張金吾先生校本求售索價甚昂
余許五十金未能得幸書留我家三日即分卷鈔一
份聊補藏之缺以此書後同是丁芝孫出百十者得之
真可寶也

戊午

十月初六日

羅啓宇

謹誌



